

DOMINGU VENTITRÉS. Ciclu A.

MONICIÓN PA EMPRINCIPIAR: El Evanxeliu de hoi ye un cachikín de ún de los discursos nos que Matéu resume les enseñanzas de Xesús. Tchámami discursu eclesiolóxicu por resumir les normes de cómo tien que comportase una comuniá cristiana; por eso fala de comprensión, perdón, solidariá... Hoi apaez lo que se tchama 'corrección fraterna', el asuntu del perdón de los pecaos na comuniá y el valor de la oración común... Ye na comuniá onde tien sentíu lo de perdonar los pecaos. La unió ente los hermanos téxese con amor, y repásase con perdón y falando, viendo cómo ponese de acuirdu; el cayér nel puritanismu nun se tcheva ná bien con la fraterniá... Si Dios ye amigu del perdón y la misericordia, nun lo pue ser menos la comuniá cristiana que tien que tar siempre con los brazos abiertos, dando oportuniaes nueves a los que quieran tar netcha.

ACTU DE ARREPENTIMIINTU: Antes de acercamos al Dios buinu, reconozamos los nuestros pecaos:

- Por nun agracer a Dios que sea misericordiusu. Señor, ten piedá.
- Por olviar que semos pecaores y que requerimos del perdón. Cristu, ten piedá.
- Por ser poco amigos de perdonar y reconciliamos. Señor, ten piedá.

ORACIÓN: Padre y Señor nuistru, que mos redimiste y fixiste los tos fiyos adotivos, amira con cariñu pa los que tanto quies; y, ya que mos diste la fe en Cristu, damos tamién tchibertá verdaera y que séamos hereeros de los santos. Por Cristu el Señor nuistru. Amén.

PRIMER TCHETURA: El profeta nun pue catchar. Les sos palabres de xuiciu y de esperanza, tienen que oyese... Del profeta tien menester el mundu entiru, y la Ilesia.

Tchetura del Tchibru de Ezequiel, 33,7-9. "Díxome el Señor: A ti, fiyu de Adán, puínxete de atalaya na casa de Israel; les palabres que oyas de mio boca, has de deciiles de mio parte. Si yo mando que i digas al melu: 'Melu, vas a perecer', y tú nu i dices ná pa que dexes la so vía mala, el melu va perecer por ser melu, pero a ti voi pedite cuentas de la vía dél. Y al revés, si tú pones sobre avisu al melu pa que cambie de comportamiintu, y él nun cambia, entós va perecer por so culpa, pero tú vas a salvar la vía."
PALABRA DE DIOS.

Les fuerzes enemigues acababan de ocupar Xerusalén, con tó lo que eso suponía de muertos, de presos, de desapaiíos, de robos y violaciones. Mientras se esmoronan toes les ilusiones de los xudíos y se ve que los falsos profetes nu habían dicho más que lo que querían oyer les autoriaes, a les que'l puiblu nun yos importaba pa ná, Ezequiel dase cuenta de que ya se acabó el tiempu pa probar que poían vivir bien si facían lo que Dios quería. Nun tienen otra esperanza que'l poer resucitar: ya tienen asegurao que, como puiblu, tan pa samular del mapa. Pa que un puiblu pekinu y probe puea mantenesese tchibre, tien menester de portase a como Dios i manda: tien que dai tó la importancia a la xusticia y a la unió, y dexar de pensar que pue enfrentase con les armes a los otros pueblos... El profeta tamién pide que tós se fagan responsables: caún tien algo que poner a la hora de enfrentase a los poblemaes que amenazan al puiblu, y pa ver si nun ganan los munchos enemigos que tien. Nun ye bastante con nun ser de los que tan dispuestos a abriyos les puertes a los enemigos pa que se metan na ciuá, o que yos pasan la invitación pa que lo fagan. Ye menester tratar de convencer a los que piensan asina, que eso ta muy mal; ye preciso facer algo pa que tós se pongan del tcheu de lo que ta bien... Al que anda escabariéu hai que echái una mano pa que puea emendase. Y esta ayuína ye, tamién hoi, algo de que tienen menester los pueblos pa poer vivir en medio del neotchiberalismu de moda... Pero eso de emendar al escabariéu, nun pue conseguise per la fuerza: el únicu camín pa emendar a la xente ye dialogando, como hermanos que catan lo meyor pal so puiblu.

-A Ezequiel tocói ver con pena la muerte del so puiblu. Él nun taba de acuirdu con lo que facían los dirixentes y otros munchos: querer que los caldeos yos echaran una mano. Lo que pasó foi que los caldeos aprovecharonse y tcheváronlos de esclavos. ¿Nu hai ente nosotros xente que piensa que tamos meyor gobernaos por otros más listos, más fuertes, más ricos? ¿Atopas algo paicío ente lo que mos pasa en Asturias y lo que pasó a los xudíos?

-¿Cómo se pue facer pa que la xente crea na unía, na ibualdá, na amistá? ¿Cómo facer pa que la xente dexede de creer na fuerza, nes rikezes, nel egoísmu, na esplotación?

SELMU RESPONSORIAL. 94.

Tós: Oyéi que vos ta diciendo: 'Nu endurezáis el corazón'.

-Veníi, démosi aplausos al Señor, echémosi vives a la roca que mos salva. ¡Vamos aonde ta Él pa dai gracies, pa echái vives al son de la música!

-Vamos a entrar y arrudietchamos delante del Señor que mos fexo, porque Él ye'l nuistru Dios, y nosotros semos el so puiblu, el rebeñu del que Él curia.

-Hoi tenéis que facéi kesu: 'Nu endurezáis el corazón, como pasó en Meribá o nel desiirtu, el día de Masá, cuando los antepasaos vuestros, que vieron lo que fixe por etchos, me provocaron y me tentaron la paciencia.

SEGUNDA TCHETURA: El deber primiru del cristienu ye amar a tós, ibual que fai Dios. El amor ye'l únicu camín que tcheva a tós a volvese amigos.

De la Carta de san Pablu a los Romanos. 13,8-10. "Hermanos: Nun tengáis deudes con naide; lo único que vos debéis unos a otros ye'l cariñu; porque'l que quier al utru ya cumple la ley. El 'nun farás adulteriu, nun matarás, nun robarás, nun tendrás envidia', y los otros mandamientos, resúmense en isti: 'Amarás al to prósimu ibual que a ti mesmu'. El que quier al utru, nu i fai nunca mal; por eso nel amor cabe la ley entera". PALABRA DE DIOS.

'Lo único que vos debéis ye'l cariñu'. Isti ye'l resumen más buepu de la moral cristiana; y, bien vistes le coses, ye tamién el más esixente... Tar tamos en deuda con tós, sobre tó con los probes y menesterosos. De haber nel mundu xente privilexiá, tenía que ser aquetcha a la que la socieá dexó sin ná: los probes. Son etchos los que lo merecen tó, porque hasta sacrifican la vía pa que otros gocen de tó... Los que i pedimos a Dios que mos perdona tamos tchamaos a costruir unes relaciones ente los pueblos y les persones que tean de acuirdu con la ley del amor. La deuda esterna del Tercer Mundu vuélvese asina deuda 'eterna' del Primer Mundu, que yos debe inmensu amor a tós aquetchos que se sacrificaron (y se sacrifican) pa entchenar les ganas de rikezes y poer de los privilexiaos... 'El que quier al utru, nu i fai nunca mal'. Si esto val pa que'l tretu ente les persones sea como tien que ser, val tamién pal tretu ente los pueblos. Si nun queremos ser de los que 'cuelan el mosquitu y tragan el camillu', faise preciso pensar nel 'terrible mal' que'l mundu que se diz 'cristienu', fexo y sigue haciendo al que tchaman Tercer Mundu. Nun se pue seguir dexando que la avaricia de unos pueblos engorde con la miseria de otros. Y lo que decimos del Tercer Mundu, val tamién pa los probes, los campesinos y obreros, perdeores y sacrificaos siempre nel tretu y nos comercios con los otros grupos sociales, que nun dexan de aprovechase de etchos.

-¿Tas de acuirdu con eso de que 'el que quier al utru, nu i fai nunca mal'?

-¿Pensiste alguna vez en lo que i debe el mundu ricu a Africa y América? ¿Y en lo que la xente acomoa yos debe a los probes y trabayaores?

EVANXELIU: Ente hermanos hai que ayuase. Por eso el cristienu nun se val de les debilidaes del utru pa medrar él; al revés, ta convencíu de que lo meyor pa él ye que'l utru puea emendase.

Tchetura del sentu Evanxeliu según san Matéu. 18,15-20. "Naquel tiempu, díxoyos Xesús a los sos discípulos: «Si el to hermenu fexo algo en to contra, vete y repríndelu a soles. Si te fai kesu, ganiste un hermenu. Si nun te fai kesu, tcheva contigo a ún o dos, pa que'l asuntu lu decidan dos o tres testigos. Si nun quier faceyos kesu, dai avisu a la comuniá. Y si tampoco i fai kesu a la comuniá, tenlu por un paguenu o un publikenu. Tenéi por seguro que tó lo que atéis na tierra, tamién el ciilu lo tendrá atao, y tó lo que desatéis na tierra, el ciilu tendralo desatao tamién. Tai seguros de que, si dos de vosotros na tierra vos axuntáis pa pedir a úna algo, el mio Padre del ciilu va a dávoslo. Porque onde tean dos o tres reuníos nel mio nome, atchí toi yo ente etchos.»" PALABRA DEL SEÑOR.

Dos palabres de Xesús a la Ilesia: 'Si el to hermenu fexo algo en to contra'... Xesús habíai dicho a Pedru: 'Tó lo que ates na tierra, atarase tamién nel ciilu'. Aquí dizlo a la Ilesia entera... Ente creyentes hai que

catar primero un arriglu a la buena; depués, si nun se tchegó a un arriglu, hai que ver si los bonos oficios de otros creyentes son a arreglar les cosas (1 Cor. 6,1)... 'Xuntos pa pedir a úna algo'. La oración de la comuniá, de un equipu apostólicu, de una parexa cristiana unía de verdá. Ye preciso que mos entendamos y pongamos de acuirdu ente nosotros pa dir

a presentái a Dios lo que tós queremos... Los homes van a catar a Dios nos templos, o na naturaleza, o tamién bien adientro del alma. Pero Dios quier tar, más que en niún utru sitiú, na comuniá cristiana. Ta en medio detcha cuando se axunta pa rezar nel nome de Xesús. Ta nel crecimiintu de la comuniá, nes sos crisis, nos sos poblemaes: ta na historia de la so Ilesia. Mientras tamos metíos na vía de la comuniá, viendo cómo se dexan de tcheu los enfaos y roces, o trabayando nes tchabores apostólikes, aprendemos a ser fiyos de Dios de verdá, y asina vamos conociendo al Padre tamién de verdá... La Ilesia -la comuniá de los creyentes, de los que catan cómo vivir el amor- ye'l sitiú sagréu onde atopamos a Dios y, pa que puea entendese esto, decimos que la Ilesia ye'l sacramintu de Dios. Tamién falamos de varios sacramentos: el Bautismu, la Ucaristía... Hai algunos que quieren recibir los sacramentos sin comprometerse con la vía de la Comuniá, de la Ilesia: nun se dan cuenta de que'l Bautismu y los ritos relixiosos son sacramentos y dan la gracia de Dios por ser señes que fai la Ilesia, que ye'l Sacramintu de Dios. Dios nun ta enzarréu nes cosas; él déxase ver na familia de Cristu y quier que lu atopemos en etcha... 'Tó lo que atéis na tierra'...: vivir bien aunaos con tó la comuniá, y compartir la fe de la Ilesia ye señal de que tamos na gracia de Dios.

-El Dios que ye Amor, el Dios que son tres Persones distintes y un Dios sálu, ¿podrá dexase ver en utru sitiú que nun sea haciendo que mos queramos y que mos aunemos?

-¿Por qué será tan importante la unión de tós?

REFLESIÓN: Los evangelios dícnos cómo vivían la fe les comuniaes cristianes de los que los escribieron. El Evanxeliu de Matéu tcheva mui clara esa marca. Nes sos páxines vense bien clares les dificultaes, les normes, les esperanzas, los poblemaes, los choques, los triunfos de una comuniá. Por eso pue decise que lo más central del so evanxeliu ye cómo tien que ser el discípulu de Cristu, el que ta empeñéu en dir tras d'Él... El capítulo 18 de Matéu axunta unes cuantes enseñanzas pa vivir en comuniá. El evanxelista amestoles como si hubieran sío un discursu únicu de Xesús. Son la respuesta pa los que, depués de bautizase, facían la pregunta: ¿qué tengo que facer depués que decidí dir pel camín que Cristu mos aprendú? Asina diz (Mt 18,1-5) que'l seguior de Xesús nun tien que competir pa ser más que'l utru. Por eso tien que dexase de divisiones y de marxinar a la xente, como si los otros de la comuniá fueran los sos contrarios. Na comuniá cristiana nun puen reproducise los vicios de la sociedá... Diz tamién que nun puen dase escándalos (Mt 18,6-9), malos exemplos que desaparten a los otros del seguimiintu de Xesús... Ye menester (Mt 18,10-14) acoyer al hermengu y saber catetchu cuando se desapartó de la comuniá. Hai que tener el valor de preguntase por qué algunos dexan la comuniá... Na tchetura disti domingu vense bien algunos poblemaes y normes de la comuniá de san Matéu. Trátase de cómo ye menester comportase con el cristienu que haya pecaos, o lo que ye ibual, con el que nun cumple como discípulu de Xesús. Matéu piensa que ye menester que un hermengu lu reprimenda: trátase de invitetchu a convertise, a agarrar otra vuelta el camín de los que siguen a Xesús (v. 15). Si nun se saca ná detcho, tien que tchamase a otros de la comuniá; asina pue ayuase a que tome más en serio lo que se i diz (v. 16). Si con tó y eso nun fai kesu, tien que tomar el asuntu en serio la Ilesia, la asamblea de los discípulos (v. 17)... Ser cristienu obliga a comportase de una manera: el Reinu, que ye'l corazón de lo que Cristu mos aprendú, trai unes desixencies pal que se comprometú a vivir y apregonar como convién lo referió a isi Reinu... La comuniá cristiana ye responsable de que los sos miembros vivan a como el Padre quier... Ser hermengu del utru requier tar atintu pa poner sobre avisu al que anda escabariéu y ver 'que cambie el so comportamiintu' (Ez 33,9). Ye ísti un tema bien delikéu y, si se quier, bastante enreveséu. Pero acuérdomos lo siriú que ye'l asuntu de ser miimbru responsable de una comuniá cristiana... Ye menester por eso preguntase munches cosas, si nun queremos ser responsables de lo que pasa. ¿Nun se precian de pertenecer a la comuniá cristiana los que nel nuistru mundu, de munches maneres, son cómplices (y hasta protagonistas) de que haya tantos probes y de que muerran munchos en guerres o de fame? ¿Nun tendrá que tchamatchos al orden la comuniá de los discípulos del que apregonó el Reinu de vía a tós, y con preferencia a los más necesitaos y oprimíos?... De nun facetcho, poems tar seguros de que la comuniá ta desapartándose de lo que pide el Señor, si ye que nun perdú ya les ganas de que atchegue el Reinu del amor y de la justicia... Los versículos últimos del evanxeliu de hoy danmos a

entender el por qué de la obligación... La corrección tien que ser 'fraterna'. Trátase de una ilesia que reza y fala con el Padre que ye la raíz de lo que etcha ye y de lo que etcha fai, y que ta siempre xunto a nosotros (v. 19-20)... La razón fonda del comportamiintu con el hermenu -munches veces nun cumplimos como se debe por cobardía- ye'l amor al prósimu. Amando, diz san Pablu, cúmplase la lei entera (Rom 13,10). El amor al prósimu tien unes desixencies que son un desafío pa nuestra pasiviá, y pal miiu

nuistru a metemos en poblema... El evanxeliu márcamos un camín pa ayuar al hermenu que ande escabariéu: de mano, en privao; depués con dos o tres testigos; más terdi na comuniá. Ye lo contrario de lo que se fai cuando lo que cata la xente (oportunismu políticu) ye acabar con el utru pal beneficiu propiu. El cristienu nun cata fundir al utru; quier salvetchu. Por eso nun se pon en contra del utru, pónse del tcheu del hermenu.

CREO: Digamos bien alto lo que creemos:

-¿Creéis que Dios ye Padre compasivu y amigu de perdonar?

-¿Creéis que Xesús de Nazaré ye'l Bon Pastor que vieno a catar les oveyes estraviaes?

-¿Creéis que'l Espíritu del Dios que ye Amor, ye quien mos da la sabiuría de amar y perdonar a tós?

-¿Creéis que podemos vivir auníos como hermanos que se quieren y ayúan ente sí?

-¿Creéis que la unión nel amor ye'l camín pa baxar el ciilu a la tierra?

-¿Creéis que tamos precisaos del amor del hermenu que mos ayúe a ver cuando tamos a pike de escabariámos y perder el camín?

Ésta ye la nuestra fe: la sabiuría que mos da el Espíritu de Amor, la que mos fai asomeyaos a Xesús, la que fai de nosotros costrutores del Reinu y hermanos de tós.

ORACIÓN DE LOS FIELES: Pidámosi xuntos a Dios:

-que Dios mos mande el so Espíritu y mos faga amigos del perdón.

-que reconozamos en Xesús de Nazaré al Dios que mos quier gratis y mos trai la salvación

-que catemos la forma de ser hermanos del que anda escabariéu..

-que trabayemos por un mundu fichu de amor y xusticia.

-que séamos a enseñar el camín a los demás con lo que facemos y con lo que decimos.

-que nun mos aprovechemos de les escabariaúres de los otros pal provichu nuistru nin del nuistru grupu.

ORACIÓN: Señor, Tú que yes la fonte de la paz y del amor verdaeros, damos glorificate con isti sacrificiu que te ofrecemos y aunimos de verdá contigo, gracias a esta ucaristía na que tamos participando. Por Cristu el Señor nuistru. Amén.

PREFECIU: Señor, Padre sentu, Dios que lo apués tó y que vives pa siempre, mereces de verdá que te déamos les gracias y ye menester y obligación nuestra facetcho, porque de etcho vienmos la salvación. Dámoste les gracias por Xesucristu el Señor nuistru: Él compadezuse de vemos estraviaos a los homes y quexo nacer de la Virxen; sufrí na cruz, tchibromos de morrer pa siempre y, al resucitar, diomos vivir pa tó la eterniá. Por eso, xuntos a los ánxeles y arcánxeles, nun mos cansamos de entonar el cantar de la to gloria.

COMUNIÓN: 'Yo soi la tchuz del mundu -diz el Señor-. El que va detrás de mi nun anda a escures; al revés, tendrá la tchuz de la vía' (Xn 8,12).

ORACIÓN: Señor, Tú dasyos comía y vía a los tos fieles con la to palabra y con el to pan del ciilu; fei que estos regalos que mos da el to Fiyu mos valan pa merecer participar siempre de la so vía. Por Xesucristu el Señor nuistru. Amén.

DESPEDÍA: Tenemos que preguntamos algunes coses: ¿dámosyos a los demás la posibiliá de emendase?... Pero ye menester tamién facemos otres preguntes que tan algo incomalo de contestar: ¿por qué se apartaron algunos del camín?, ¿cómo se comporta la comuniá con érchos?, ¿tuvo alguna culpa la comuniá?, ¿por qué hai algún que se desilusionó con el camín de Cristu?... El evanxeliu de hoy fálamos de cómo comportase con el que se desapartó del camín. Pero lo más importante ye saber catar al que ta desapartándose... La comuniá tien que ser como Xesús que vieno a salvar lo que taba perdió, a ayuar a que vuelva el que ta

separéu (Lk 19,10)... Ta bien acordase que lo que dixo Xesús a Pedru de atar y desatar (Mt 16,19) val pa cualquier cristienu dentro de la comuniá.